

Na osnovu člana 34. stav (5) Zakona o zaštiti i dobrobiti životinja BiH ("Službeni glasnik BiH", broj 25/09), Ministarstvo vanjske trgovine i ekonomskih odnosa Bosne i Hercegovine, na prijedlog Ureda za veterinarstvo Bosne i Hercegovine, donosi

PRAVILNIK

O NAČINU VOĐENJA EVIDENCIJE O OGLEDNIM ŽIVOTINJAMA I VRSTAMA OGLEDA

Član 1. (Predmet)

Pravilnikom o načinu vođenja evidencije o oglednim životinjama i vrstama ogleda (u daljem tekstu: Pravilnik) propisuju se oblik, sadržaj i način vođenja evidencija o oglednim životinjama i vrstama ogleda.

Član 2. (Obaveza vođenja evidencija)

Rukovodilac objekta za ogledne životinje, unutar pravnog lica registriranog za primjenu ogleda na životinjama, mora tokom kalendarske godine voditi sljedeće evidencije:

- a) evidenciju o ukupnom broju i vrsti korištenih oglednih životinja (obrazac br. 1);
- b) evidenciju o broju i vrsti korištenih oglednih životinja i svrsi ogleda (obrazac br. 2);
- c) evidenciju o broju i vrsti oglednih životinja korištenih u ogledima u svrhu zaštite ljudi, životinja i okolice (obrazac br. 3);
- d) evidenciju o broju i vrsti oglednih životinja korištenih u ogledima u vezi s bolestima i raznim poremećajima zdravstvenog stanja ljudi (obrazac br. 4).

Član 3.

(Obaveza dostavljanja evidencija)

Pravna lica, registrirana za primjenu ogleda na životinjama, moraju Uredu za veterinarstvo BiH dostaviti obrasce svih propisanih evidencija iz člana 2. ovog Pravilnika za tekuću godinu, do 31. januara sljedeće godine.

Član 4.

(Obaveza čuvanja evidencija)

Pravna lica, registrirana za primjenu ogleda na životinjama, moraju čuvati evidencije iz člana 2. ovog Pravilnika najmanje tri godine od datuma posljednjeg unosa.

Član 5.

(Prijelazne odredbe)

Pravna lica koja su prije stupanja na snagu ovog Pravilnika obavljala ogledne na životinjama, način vođenja evidencije o oglednim životinjama i vrste ogleda moraju uskladiti sa odredbama ovog Pravilnika najkasnije do 31. decembra 2010. godine.

Član 6.

(Prilog Pravilnika)

Obrasci evidencija br. od 1 do 4, iz člana 2. ovog Pravilnika, štampani su u prilogu ovog Pravilnika i čine njegov sastavni dio.

Član 7.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 07-01-02-633-1/10.
23. februara 2010. godine
Sarajevo

Ministar
Mladen Zirojević, s. r.

PRILOG

OBRASCI EVIDENCIJA

OBRAZAC br. 1 - UKUPAN BROJ I VRSTE ŽIVOTINJA KORIŠTENIH U OGLEDIMA

GODINA:

VRSTA ŽIVOTINJE	BROJ ŽIVOTINJA
Miševi (<i>Mus musculus</i>)	
Štakori (<i>Rattus norvegicus</i>)	
Zamorčad (<i>Cavia porcellus</i>)	
Drugi glodari (drugi <i>Rodentia</i>)	
Kunići (<i>Oryctolagus cuniculus</i>)	
Čovjekoliki majmuni (<i>Hominoidea</i>)	
Drugi majmuni (<i>Cercopithecoide i Ceboidea</i>)	
Majmuni (<i>Prosimia</i>)	
Psi (<i>Canis familiaris</i>)	
Mačke (<i>Felis catus</i>)	
Drugi mesožderi (drugi <i>Carnivora</i>)	
Konji, magarci i križanci (<i>Equidae</i>)	
Svinje (<i>Sus</i>)	
Koze (<i>Capra</i>)	
Ovce (<i>Ovis</i>)	
Goveda (<i>Bos</i>)	
Drugi sisari (drugi <i>Mammalia</i>)	
Ptice (<i>Aves</i>)	
Ribe (<i>Pisces</i>)	
UKUPNO	

U Obrascu br. 1 navode se ukupan broj i vrste životinja korištenih u ogledima tokom kalendarske godine.

OBRAZAC br. 2 - BROJ I VRSTE KORIŠTENIH OGLEDNIH ŽIVOTINJA I SVRHA OGLEDA

GODINA	1. Osnovna biološka i medicinska istraživanja	2. Otkriće, razvoj i kontrola kvaliteta (uključujući i sigurnosnu procjenu) proizvoda i pribora za humanu i veterinarsku medicinu	3. Dijagnoza bolesti	4. Zaštita ljudi, životinja i okolice toksikološkim i drugim sigurnosnim procjenama	5. Doškolavanje i obuka	6. Ostalo
SVE VRSTE						
ODABRANE VRSTE						
Glodari i kunići						
Psi i mačke						
Primati						

U Obrascu br. 2 navode se broj i vrsta korištenih oglednih životinja tokom kalendarske godine te svrha ogleda - osnovna istraživanja, razvoj novih proizvoda, sigurnosna procjena, dijagnostika bolesti te doškolavanje i obuka. U stupcu 1. pojam «medicinska» uključuje i veterinarsku medicinu.

OBRAZAC br. 3 - BROJ I VRSTA OGLEDNIH ŽIVOTINJA KORIŠTENIH U OGLEDIMA U SVRHU ZAŠTITE LJUDI, ŽIVOTINJA I OKOLICE

GODINA	1. Materije korištene ili namijenjene upotrebi uglavnom u poljoprivredi	2. Materije korištene ili namijenjene upotrebi uglavnom kao dodaci hrani za ljude	3. Moguća ili stvarna opasnost od kontaminacije cjelokupne okolice
SVE VRSTE			
Glodari i kunići			
Psi i mačke			
Primati			

U Obrascu br. 3 navode se broj i vrsta oglednih životinja korištenih tokom kalendarske godine u ogledima koji se provode u svrhu zaštite ljudi, životinja i okolice.

**OBRAZAC br. 4 - BROJ I VRSTA OGLEDNIH ŽIVOTINJA KORIŠTENIH U
OGLEDIMA U VEZI S BOLESTIMA I RAZNIM POREMEĆAJIMA ZDRAVSTVENOG
STANJA LJUDI**

GODINA	1. Maligne bolesti (izuzimajući procjene opasnosti obolijevanja od malignih bolesti)	2. Bolesti srca i kardiovaskularnog sistema	3. Mentalni i poremećaji nervnog sistema	4. Ostale bolesti ljudi i životinja
SVE VRSTE				
ODABRANE VRSTE				
Glodari i kunići				
Psi i mačke				
Primati				

Napomena: Ako ogled uključuje maligne bolesti u bilo kojoj tački od 2. do 4., ogled mora biti svrstan u kategoriju malignih bolesti.

U Obrascu br. 4 navode se broj i vrsta oglednih životinja korištenih u ogledima provedenim u medicinske svrhe tokom kalendarske godine, uključujući i veterinarsku medicinu, s posebnim akcentom na tri područja bolesti ljudi.